

萍鄉縣志



萍鄉縣志序



袁陽爲江右上游望郡而昭萍
其四屬之一也唐宋迄明山川
煥采人物焜煌循良茂著固班
班可稽殊壤接湖湘冲居孔道
數十季來兵燹荐經戶口之凋

萍鄉縣志

序

零賦役之月一之軼佚與
夫教化風俗之凌彝有不可勝
言者矣序自今春奉

簡蒞萍無事不以興除爲念而尤
殷殷於邑乘是詢惜載籍云亡
徵信無自志焉而未逮也旋奉

萍鄉縣志序

部檄肅臨因與學博暨諸紳士殫
心竭慮搜羅舊聞得殘篇於灰
燼之餘刪繁舉要飭故益新山
川封域國課民瘼人物習尚蔚
然爲一邑成書矣回憶前明萬
曆丙申距今近百季始克復授

剗剗則斯志也詎不爲曠典乎
哉雖然匪敢以是侈縹緲也閱
戶口之盈縮則休養生息宜何
如亟歟覽賦役之繁簡則勸農
恤力宜何如篤歟觀人文之盛
衰則薰陶樂育宜何如殷歟繹

教化之崇替風俗之涼懿則道
齊德禮孝友嫺睦宜何如漸被
而蒸變歟此其責在上而不專
在於上此其責在下而亦不專
在於下耳善乎真西山之言曰
爲此邦之吏者不可以無此書

蓋凡昔者明哲之官忠信之長
治教風績之可尙者皆其龜鑑
也有一事之弗及其能自安乎
爲此邦之士者不可無此書蓋
凡前修故老德行學術之可師
者皆其矩度也

似其可不自勵乎季雖不敏願
與諸紳士共勉之庶幾一時之
編摩而千百載之文獻或藉茲
以不泯焉爾

康熙癸亥季冬月吉日
文林郎知萍鄉縣事三韓尚崇

季撰




萍鄉縣圖


萍鄉縣圖

東至宜春界九十里

西至吉水界一百二十里



萍鄉縣圖



西至醴陵界六十里

同治十八年...

洋鄉縣志總目

卷之一

縣境圖

縣城圖

縣治沿革

分野

疆域

山川

形勢

風俗

物產

城池

卷之二

署宇

學校

洋鄉縣志

卷之一目錄

隅鄉

坊巷

市鎮

津梁

陂塘

卷之三

戶口

賦稅

課程

土貢

里甲

徭役

驛傳

民兵

鹽鈔

壇壝

廟祠

寺觀

古蹟

丘墓

卷之四

官師

官師宦蹟

卷之五

科第

辟舉

貢士

恩廕

援例

理學

武勳

椽考

萍鄉縣志

卷之一目錄

二

耆壽

人物列傳

卷之六

隱逸

懿行

孝行

節烈

游寓

仙釋

祥異

卷之七

藝文一

記傳

卷之八

藝文二

詩

補遺

修志氏名

總裁

總督南江西等處地方文武事務兼糧餉操江兵部尚書察院都御史于成龍
繼任學處方謹書兵部尚書都察院都御史于成龍

江西等處承宣布政使司布政使張所志

江西等處提刑按察使章欽文

督糧道管通省稅糧事務叅議鮑 啟

分巡通省驛傳鹽法道駐劄省城按察司簽事遲 煊

提督江西通省學政道加三級高 璜

萍鄉縣志

卷之一 氏名

袁 州 府 知 府于嗣昌

袁 州 府 同 知楊聲遠

纂修

萍 鄉 縣 知 縣尚崇年

同修

萍 鄉 縣 儒 學 教 諭熊大彬

萍 鄉 縣 儒 學 訓 導李得魁

協修

萍 鄉 縣 典 史余 震

編次

大 安 司 巡 檢 徐 勳
安 樂 司 巡 檢 丁 滌

貢 士 邑 人 譚 銓

監 生 邑 人 顏 範

邑 廩 生 陳 德 瑤

鄧 嗣 禹

陳 憲

黎 熙

萍鄉縣志

卷之八 職名

二

李 六 謙

萍鄉縣志凡例

一志以紀事不拘綱目貴在直率非以侈靡爲也舊本牽合附會支詞蔓說今悉刪定期於文直事核而已

一縣志之役攷舊而增新也萍志始自明正德丁丑邑侯高公桂所製宋本其中不無殘缺魚魯今合宋本與萬曆己卯丙戌丙申暨

國朝康熙乙巳采輯纂修諸本參考釐正務求美善

一戶口賦役等類動關經制志所首重法不可遺亦

萍鄉縣志

卷之一凡例

不可混又加蠲荒積墾增損不常今仍總括悉據合邑勘定印冊入志詳見賦役全書

一減浮糧紓萍積困曠代

殊恩也故上自奏疏下及文移本末備志不忘至藉軍害民之累歷已勒碑禁止并詳載之以志勿讓一職官次書名氏舊矣其間功蹟茂著者有益地方特表出之爲宦蹟雖才品不同偏全或異均之吏治之龜鑑風勸之標準也

一人物關係地方最重其科第辟舉諸英懿德淑行

傳節茂才爲邦家之光者又復裒爲人物列傳以垂不朽其亦仰止高山思齊舊德之大端云

一宦蹟人物必身後乃書法也若宦蹟之見任者人物之見存者法不得卽書俟之後日公論自在誰能掩抑之也

一縣志非一家之譜非一人之集詩文連篇和韻無關風土政治文行者槩弗錄入志有義例知罪聽之

一節孝事關闡幽萍邑頻經兵亂幽貞勁節塵埋鋒

萍鄉縣志

卷之一凡例

二

刃者不知凡幾然採訪輯入寧隘無濫

一藝文諸詩紛見雜出殊費簡閱今分別山川亭臺寺觀贈送行役節序風土吊古諸類仍依世次既省複題又便涉目

一是編以乙巳 道憲施 郡憲李 前令臺

孟偕邑恩貢譚錫命諸生等搜集舊本爲斷制矣

亥秋奉 藩臺張 郡憲于 檄行重修允矣紹

往開來崇儒重道悉形勝振風土張顯闡幽類族辨物徵文攷猷起敝維衰之至意也年自慚不敏

爰同學博熊大彬李得魁暨邑歲貢譚銓廩生陳
德瑤黎熙鄧嗣禹等自丙午迄今癸亥其間理亂相
尋越十有八載殫心竭慮旁搜博採校訂成帙且
于前志遺者補之訛者正之不當者易之繁冗者
約之期無負於傳盛而彰美云爾

萍鄉縣志序

徐璉

序

袁之屬曰萍鄉巨邑也在元爲州至國朝洪武二年復爲縣三隅七鄉編戶一百三十里地界吳楚水接瀟湘其路則通江夏川廣雲貴之衝衢往來士夫景慕形勢每詢其故跡恨無志考証前有司因循曾未有加意者正德丁丑夏鳳陽賴上高氏名桂擢宰是邑越明季政務之暇輒興修舉因與翰林孔目樂安鄒公暘素善稔知學博才高遣吏禮請修輯申于府余嘉其善慮恐志懈諭之曰前有所作則後易爲

萍鄉縣志

卷之一序

功是邑故無志創修誠難矣哉難之中有尤難者寓焉蓋志古史之流也國有史地有志體制異而書法近似然修史隱處于密閣幽室之地藏諸金匱俟後世方出雖有威福之權法不得而撓之其秉筆之公職司之重昭然矣及觀修志操筆之頃駭人耳目關有遺錄直述者浮議沸騰排訾沮厄鮮克終其事毋謂百里之邑而無是非之口當速成以補闕典過二月餘遣梓生持志稿若干卷余與同寅啓覽見目錄條分事實詳悉或疑其繁且華余曰邑之志固如是

也在 朝廷有一統志紀天下之事跡掇繁就簡歛
華就實詳則弗勝書矣在藩司有省志紀一省所屬
之事跡視一統志加詳焉在府州有郡志紀一郡所
屬之事跡視省志又加詳焉至于縣他無所屬不過
紀一邑之事跡繁且華而益加詳焉宜也雖然簡失
脫畧繁失冗禱朴失俗窘華失浮麗適中者蓋鮮矣
今觀所志若風土形勝財賦吏治人才忠節之類府
志所載者盡收之其所遺畧者考訂群書博採風流
延訪士夫耆老之談比事立言彙次成編繁不涉于

萍鄉縣志

卷之一序

一

禱離華不流于浮誕就中書載直筆殆與史法合也
則鄉公館閣才名信不虛譽志成爰命錢梓以傳便
考覽勸風化裨政教使將來觀風纂實錄者采取焉
則高尹創修之功久而愈彰矣余愧謏薄叨任袁守
因其請輒謄序于前若高尹居官歷履嫌于治屬故
畧之正德十三年戊寅秋九月之吉 賜進士出身
中憲大夫知袁州府古恒徐璉書

續補萍鄉縣志序

邑人簡繼芳

萬曆歲之己卯萍鄉侯常君蒞政之明年也經理政

務修舉廢弛暇則取徵文獻鏡古事實以備參酌因感於邑志之久缺也廼以補訂請于郡大夫郡大夫可知卽身任其事以同訂委文學劉君文和夏君中其間建設之增易官秩之代更才資之遞興視舊志其所綴葺而釐正者居多懿哉舉矣乃走使海上命予叙之册首予竊惟邑之志猶國之史乎蓋備一方之典制也然不習爲吏視已成事自古則記之以成之事志事也善立功在思齊賢思齊賢在勤考章章不特程則賢蹟隱而功聲墜矣此于吏治民風固有萍鄉縣志

卷之一序

大禪獨典制云乎哉顧俗吏迫于簿書庸人休于嫌疑則及時修舉之難亦無惑其然矣吾萍爲吾袁鉅邑財賦人物代稱顯著志自正德丁丑邑侯高君纂修之後今且周一甲子矣六十年之典制安考哉常君委心文學力爲補訂以備一邑六十年之乘蓋其功真有足多矣然予因是而深感於吏治民風之難焉昔也政一今也政棼昔也歛紵今也歛棘昔也役簡今也役繁此吏治之難也由乎上者也昔之士也沃今之士也瘠昔之民也富今之民也貧昔之務

本今之務也末此民風之難也由乎下者也由乎上者既無如之何由乎下者又不能挽而同之則觀斯志者可以深長思矣聞常君之甫下車也讀鄭侯立陂之記卽欲導利以遺民撫楊侯去思之碑卽欲興學以造士豈亦有見於吏治民風之難也而思一有以振刷之乎本齊賢之遐思而補邑乘之缺典是舉也非誠懿者與或者謂志修欲備備斯可傳呂覽議龐襍淮南誚詭離謂其不備也爲表以繫年爲志以紀事爲傳以錄行爲外志以備遺侯得無終惠乎予

萍鄉縣志

卷之一 序

四

曰常君且以獻續行矣其資尚可借寇也采子長之才備史氏之體其尚有待焉予始叙其始事且以振刷永備之意就正于侯云萬曆七年己卯夏五月之吉 賜進士第文林郎知浙江寧波府定海縣事前兵部試政邑人簡繼芳書

續補修萍鄉縣志總序

姚一理 本縣知縣

叙曰今一邑之地準古侯國之封邑有志猶國有史自罷侯置守史廢而志興矣萍鄉漢昔古邑而二千手開牧茲土者豈無文學之士顧專心政事鮮有垂

筆及志者誠缺典也正德丁丑高君始一修之而葛
艸于蕪觀者弗愜其意萬曆己卯常君欲圖再修而
阻于力之不逮惟撫拾所知數條以增入之因仍龐
贅觀者又弗愜其意江潞謂作史之難無出于志諒
哉歲在甲申郡大夫陶侯行部視事慨然注念適愚
承乏迺以命愚愚竊命不敢不勉每退食輒尋繹舊
章考故實參評得失搜羅遺佚發凡例立綱目續次
類編釐分六卷免寅僚學博爲詳校之愚因以綜其
成夫百乘之國肇于分土之基故綱考輿圖而目列
沿革星野祥異山川形勝風俗方物賦役隸焉一國
之務成於制度之周故綱紀創設而目列署宇學校
城池祀典武備隸焉經綸之績由於位事之能故綱
譜秩官而目列政職教職屬職隸焉政教之行關乎
文明之運故綱傳人物而目列科第薦辟貢監恩蔭
掾仕學道武勳隱逸耆壽貞節隸焉異端之流不入
春秋之簡故綱紀方外而目列仙釋仙女隸焉纂集
之篇咸有著述之蹟故綱錄藝文而目列詩類記類
隸焉核續別訛簡明其盡實期其文補葺古先之缺

典庶不病於杞宋之無徵矣然一得歎于三長一
虞于萬漏未知能愜觀者之意否耶昔明憲朱子知
軍下車卽詢郡志今幸郡有陶朱子在上執此以就
正之其或可以傳乎豈敢曰史萬曆乙酉九秋朔旦
文林郎知縣事建平姚一理謹識

續補修萍鄉縣志前序

邑人簡繼芳

吾萍有志舊矣正德丁丑邑侯高君修之越六十季
半成蕪陋典制久湮至萬曆己卯常侯圖再修尚多
沿襲故序諸首亦以終惠望焉時郡大夫鄭公有
萍鄉縣志

卷之一序

六

史識常與陶大夫商之亟欲得良材刊正訛謬以成
盛舉顧卽以事去常侯亦且行則斯志之成也豈亦
重有待乎今丙戌予入計得借吾邑姚侯聚首長安
闡出其補修志謂予邑人不可無序予亟接讀之且
重有感於侯之惠吾萍也因作而言曰事固有待哉
陶大夫所以終鄭郡公之托者其在姚侯已今觀所
爲志輿圖創設官秩人才以逮方外藝文之屬視舊
之蕪陋沿襲者頗有潤色修飾之功益寬僚學博雖
與詳校而筆削之權則侯實身任之矣陶大夫以此

爲最徵之言哉予雖遊東越器事關桑梓口碑常耳
目謂新邑侯有二事甚鉅一修城一修誌也夫吾萍
近稱疲磚城費近萬疲益甚乃卽崩決三百丈此關
于民瘼何如耶侯議沿河增築城石堤以支水患至
以修衙公直并贖鍰佐之使前功不棄事非甚鉅乎
然修志一事尤甚鉅何也蓋志以志邑事也城其事
之一端也紀載沿革條析利弊全在此志志補修矣
豈惟六十年典制之脩已哉千百載之矩矱亦或在
茲矣覽輿圖則編氓將何以綏乎覽創設則法紀將

萍鄉縣志

卷之一序

七

何以振乎覽官司則芳躅將何以踵乎覽人物則教
化將何以興乎覽方外藝文則異端何以使之息而
文體何以使之正乎侯覽而觸觸而思思而必求以
利吾民爲已也繼侯而作者覽而觸觸而思思而求
以利吾民亦猶之侯也則侯之終惠吾萍者寧有紀
極哉故論侯新政其修城修志二事皆鉅予竊謂修
志尤鉅者以所托者遠而所貽者宏也若夫寒快綱
目興舉歲月具在侯序中不贅書萬曆歲在丙戌春

上正月既望

賜進士第兵部註

政知浙江温州

平陽縣事受階文林郎邑人葛子簡繼芳書

續補修萍鄉縣志序

陶之肖

本府同知

萍為袁西吉邑余居袁九載署一視稱者三熟知其
邦曠與莫志焉若雖曆甲一周邑胥有載筆而訛
傳漫綴類非信書無論上二千沙茫難稽事即所
紀正德城池周袤高廣半涉虛四款實錄矧今奉
制易土以磚且增設護隄兩基凡石不有的志以詔
將來安知後之視今不猶今之視昔乎志作匪直城
也舉一城而一邦故實可例見矣往余一至竊有志

萍鄉縣志

卷之一序

八

焉而未之逮抱愧惟深迺茲邑侯姚君蒞政未暮仕

優而學輒成吾志持所輯志復兩序其端余愛而閱

之凡例綱目精密簡盡以考輿圖則輿圖之屬咸以

類附以紀創設則創設之屬咸以類附以譜秩官則

秩官之屬咸以類附以傳人物則人物之屬咸以類

附由是而記方外而錄藝文綱舉目張悉如其類蓋

詳而有要約而有倫譎謬者正煩紊者刪闕遺者補

綜核斷案筆法緊嚴質不俚文不浮允乎古史之喬

流也方且自慙于三長猷然弗任余固以為史識卓

然于史才史學之先者焉葺荒謬之曠典垂悠久之
信書傳稱不朽事三立言居一迹其志之最謂非治
最之徵歟余不爲佞樂觀厥成宜道其實爲之序萬
曆乙酉菊月閏朔朝列大夫同知袁州府事竟陵陶
之肖撰

修萍鄉縣志序

陸世勣

夫學者載籍極博尤攷信於邑乘則邑乘詎不重哉
顧文武之道在人祀宋之徵以獻則賢又文之所由
寄也余不佞承乏茲邑見縣典蕪佚思欲輯而新之
萍鄉縣志

卷之一序

九

而難其人適慶源簡大夫家居讀禮固遷固之才而
僑胥之博也旣非借才于異地又甚悉其邑舊史因
余之請而肯之自春徂冬詳爲校讐手自編輯舉要
刪繁訂訛傳信闕者補之佚者綴之條分理析旨明
目張爛焉成帙舉以示余余讀之卒業歎曰茲集也
質而不俚華而不縛簡而不備儻所謂一代之信史
非歟卽欲付之剞劂氏適迫于大計之役乃納之行
李洎蒙 恩復任始繕而缺之又得南臯鄒大夫序
其首鳳坡易大夫序其終夫以蕪爾萍邑一乘乃經

營於三大夫之手潤色于諸君子之長則萍之山川
顧不生色萍之都鄙顧不增重耶將見如日如斗之
祥且再破尼父之顏余也附托于青雲之士亦籍以
垂不朽矣乃援筆書之以識一時盛美若夫政務之
鉅細風俗之隆替典章之廢舉乘也具載之矣余何
贅萬曆丙申七月哉生魄

萍鄉縣志卷之一

知萍鄉縣事三韓尚崇年重修

縣治沿革

萍自吳寶鼎來為縣舊矣嗣是縣易為州州復為縣屬郡屬路綿延至今沿革異時載籍可紀爰揭始末著之篇端

萍鄉古禹貢揚州域歷商至周春秋為吳越地

敬王六年

萍鄉縣志

卷之一

入吳元王三年吳滅入越

顯王三十五年越滅入楚楚文王始都

郢九世孫昭王避吳師出奔駐香水渡得萍實使問

孔子曰霸者之祥果復國戰國末秦滅楚并天下置

三十六郡此為南楚九江郡地漢高帝折九江為淮

南國後析淮南置豫章郡領縣十八宜春其一此為

宜春西境元康六年分封長沙王子成立宜春侯國

元鼎五年國除仍屬豫章郡東漢因之三國吳寶鼎

孫二年分豫章置安成郡析宜春增置萍鄉縣并置

新喻俱屬安城縣有萍鄉始此萍鄉以楚昭王得萍

名楚萍又名昭萍晉武平吳屬郡如故又置增

都永新安福廣興而改宜春為宜陽避鄭太郡領

縣竝隸荊州惠帝時分安城郡隸江州宋齊梁陳皆

因之隋開皇九年士人文盛以安城叛十一年廢郡

於宜春縣置袁州袁州以州北袁山得名而山又以袁京處士得名縣屬袁州如此

大業初改袁州為宜春郡領宜春萍鄉及新喻三縣

後為林士弘蕭銑相繼竊據銑敗張善安據以降唐

武德五年改宜春郡復為袁州領縣如故貞觀元年

分天下為十道袁隸江南道開元二十年置十五採

萍鄉縣志

卷之一

訪使袁隸江南西道天寶元年改袁州為宜春郡乾

元元年復為袁州歷隋至唐萍鄉皆為上縣五代時

偽吳楊氏竊據後晉天福四年李昇篡吳為南唐至

宋開寶八年命曹彬下江南得州十九袁居其一是年

以筠州之萬載縣來屬雍熙元年析宜春東鄉增置分宜縣淳

化二年割新喻屬臨江軍萍鄉與宜春分宜萬載仍

屬袁州元至元十四年以袁州為袁州路縣仍屬焉

而隸江西行省元貞元年陞縣為萍鄉州仍屬本路

至正十二年壬辰新黃寇起徐壽輝偽將歐祥

率衆由湖南醴陵至黃花渡來寇路守臣別選
萬戶李陽奕劉元住同州脫脫領兵禦之不勝擄長
驅至州焚掠州遂陷甲午夏湖南官軍吳天寶以所
都刺軍來復州治兵無紀律亦隨爲祥所陷祥據之
嚴刑重斂民不聊生繼以瀏陽醴陵山寨土兵時復
侵擾州治荒蕪壬寅年春明兵平江西祥遣子納款
臣附甲辰七月以袁州路爲袁州府隸江西省布政
司乙巳恢復州治民乃安業己酉改州仍爲縣

國朝順治二年九月內附制如明舊

萍鄉縣志

卷之二

三

分野

西漢地理志吳地斗分野東漢天文志斗玉衡第六
星主陽州後漢蔡邕云斗六度至須女二度謂之星
紀吳越分野唐一衡云南斗牽牛星紀之次宋志天
市垣二十二星東南各一十一星其東垣南第六星
曰吳越元史斗四度三十六分六十六抄外入吳越
分星紀之

疆域

縣境東西一百五十五里

南北一百八十里府志二百三十里誤

東至本縣分界鋪界九十里自界至宜春縣五十里

西至本縣插嶺關鋪界六十里自界至醴陵縣二十

五里

南至本縣馬跡嶺界八十里自界至安福縣三百二

十里

北至本縣東洪界一百里自界至湖廣瀏陽縣五十

東南到縣馬碗石界一百一十里自界到安福縣一

百八十里

萍鄉縣志

卷之三

四

西南到本縣雙塘界一百一十里自界到攸縣一百

六十里

東北到宜春縣坑頭嶺界九十里自界到宜春縣九

十里

西北到湖廣醴陵縣踏田界六十里自界到醴陵縣

三十里

距省入驛七百五十里

距江南二十三驛二千七百七十里

距盛京七十一驛六千二百二十里

山川 奉洞巖石 附

名山大川邦之表也萍武功羅霄諸山水且稱雄

跨吉袁分潤吳楚不特一邑之鉅麗也源長勢遠

闕秀萃靈宜類哀之峯洞巖石潭井泉池亦附書

楊岐山

在縣北七十里宣化里世傳楊朱泣路之所

傍有玉女殿內有九石旁相映如屏風有措
大巖五色石下有普通寺偃松臺
盤鬱蒼翠挺然可愛又有楊帝壇

徐仙山

在縣西門外兩山相峙舊傳有徐姓者修煉
于此後成仙去上有徐仙亭今圯詩具藝文

石羊山

在縣南五里仙佳里
山上多石其形如羊

毛仙山

在縣東三十里清江里方輿記云昔有過此
者遇一女遍體生毛自稱毛姓言辭聰慧異

萍鄉縣志

卷之一

五

常人後不復見宋明史
朱熹云孤魅也詩具藝文

石姥山

在縣西五里大窰里杉木蕭有石
屹立如姥瞻望朱周兌有詩具藝文

荷梧山

在縣東五里各教
里山多梧桐樹因名

南源山

在縣北五十里萍實里其山夷坦林木陰翳
上有石屹然如羅漢名羅漢岩南有廣利院

前有源泉
四峯不竭

武功山

在縣東一百二十里大安里與羅霄山相連
尖頂與間洞寇猖獗趙展統禁軍勦捕立

山上至今樵者犹得遺甲斷戈山名武功以此其
根盤入百餘里跨吉袁二郡相傳葛玄煉丹于此

又名島
仙峯

玉皇殿

在縣南六十里長豐里灣田層岩仙跡峭壁
飛泉上中下構三殿額題天下第一名山

蓋山 在縣東一百二十里新步里挺拔高聳旦夕雲遮

九疑山 在縣東七十里宜風里連帶九峯晉三真人得道之所山側二嶺如鶴飛翔名仙鶴嶺中有九疑後觀

改崇真觀

青山 在縣西十里下有青山舖望山橋其水東流注縣即西青水之源

五金山 在縣西七十里唐昌里五峯連帶皆西西方故名

大金山 在縣西六十里怪信里即今黃崗嶺會仙庵

楚山 在縣北九十里同唐里高聳峻拔煙雲日薄昔楚昭王遊兵駐此山頂有楚王臺遺跡下有昭

廟王

浴石山 在南源山廣利院前周迴七十餘丈高可九丈下有浴池世傳楊朱嘗浴于此

萍鄉縣志

卷之一

羅霄山 在縣東一百二十里大安里與武功山相連高數十丈延袤百餘里下有石潭深不可測

寰宇記潭水傍出石乳又各石穴又各石井歲旱禱之以大木長三四丈者投水中即雨水湧木出即止或曰昔有

羅霄居此故名

筆架山 在縣南里許高聳秀拔與縣後山相對宛然有賓主之像舊名述鳳嶺以縣治勢若飛鳳

而此山與之相連也宋紹興中知縣趙公廩建塔其上高七丈許明嘉靖中知縣梁用達以孤峯獨

增建其二於東三塔相連形如筆架俗呼筆架山為縣案境內各景筆塔文標其一也山嶺有

四望亭仰山二聖壇塔址久圯知縣陸世勤重修語具望雲亭

南嶽 在縣西七十里永平白竹山勢嶙峋上插雲表每秋月登眺赤霞紫彩絢縵萬狀瀟湘盡

早悉在目中為本境八景之一

馬跡嶺

在縣南七十里長豐里可失修遠世傳

黃沙嶺

在縣東南九十里太安坐其嶺峻拔土黃

烏岡嶺

在縣西南二十里仙居里兩峯相峙茂林蒼鬱人行常不見日故名舊志載下有烏岡市今廢

土硃嶺

在縣西五十里仙居里有石堅赤如硃冶者取以煨鐵又名土硃

仙鶴嶺

語具九

迎鳳嶺

語具筆塔山

案山嶺

在縣北五十里萍實里其山高聳左右相峙中平如案有亭曰高寒為往來休息之所

鷄鳴嶺

在縣北二十里清教里人煙曠遠世傳地師曾文迪過此忽聞鷄鳴

天仙嶺

在縣東一百里新安里其蜿蜒蕭疎上有石屏風及巨石屹立如人因名

大佛嶺

在縣東八十里新安里其嶺圓頂盤旋若脚踏狀故名

洋鄉縣志

卷之一

七

白鶴嶺

在縣北五十里宣化里聳拔挺秀世傳白鶴仙人遊此

烏龜嶺

在縣西七里崇賢里上有雙石如身鶴相逐之狀

排衙嶺

在縣西十五里崇賢里數峯排列高下森然

嚴壺嶺

在縣西八十里唐昌一圍盤根數十故名

牙跡嶺

在縣南三十里長豐車相山勢聳蓋牙石奇峭上有土壕相傳禦紅巾賊扼險于此

蛇嶺

在縣西四十里金源里以其盤旋故名上有五峯臺

聖岡嶺

在縣東五十里名教里蘆溪鎮衆山迤邐望之蒼翠崛起臨道傍晉其卓築壘其上有聖

岡廟語具祀典

五花白石嶺

在縣西七十里永平里白石嶺列潔白如玉因名

牛頭嶺 在縣西永平里高聳雲表陡峭欽嶽首尾延袤四十餘里往來行人多困近白竹陳姓

李建亭于山半名歌歌亭施茶濟渴

明山峯 在縣東北二十五里清教里高五十餘丈特立聳峙登而望之四遠皆見為境內名景之一中

仁濟院

石筍峯 在縣東九十里大安里葛仙壇之右峙立如筍高出雲霄因名詩具藝文

玉女峯 在縣東六十里名教里蘆溪鎮東內有玉女臺輿地記天將雨有五色雲湧出石潤謂之

玉女披衣詩具藝文

措大巖 語具揚岐仙釋 羅漢巖 語具南源山

帝鐘巖 在縣北五十里東鄉里高十丈深四丈內有倒水石版長三尺

萍鄉縣志 卷之一 八

婆婆巖 在縣西八十里柘村每旱禱雨多應

羅霄洞 在羅霄山上有葛仙壇側有黃龍潭四時霖雨沾灑景氣凜冽暑月亦然僧得此詩具藝文

真如洞 在縣南三十里長豐里洞有石鍾石龜石乳又有石如人形前有真如院今廢黃廷堅詩

且載藝文

曹源洞 在縣西北二十里怪信里洞深濶可容千人中有小溪水從曹家山發

焦源洞 在縣北七十里洋實里洞內有石叩然有聲流水衝激宛如琴筑

里大洞 在縣南三十里長豐里山圓如覆鍾兩洞相接上洞口在山趾石田廣袤又數步有石雪

色名雪峯一石竅斜穿投以石良久乃抵泱流下洞口出山腹巨石如屏當前中有小豁可愛兩洞可容千人建炎初避亂者歸焉巨

寇張成攻圍數日不克乃退

石陂洞 在縣北四十里金山里空曠可容千人有
巨盜曹成輩劫掠鄉井里人相率入洞避難
者老道其事每指洞曰此兵火樂地也

仙人石 在縣南五十里長豐宗間五
霧湖宛若仙座髻足森然

羅漢影石 在縣東一百二十里大安里白鷺坑晉元
符二年一日巨石中裂其聲如雷一竝立

一墜田間各有
人形如羅漢

石駝石 在縣北七十里萍實里廣
利院前高丈餘以形似名

懸鐘石 在縣北萍實里
臨江宛如鍾焉

屏風石 在縣東七十里新安里其平
如砥廣十餘丈宛如屏風

禪石 在縣東四十里宣化里廣十餘丈
中虛如龕相傳者有仙坐化其中

萍鄉縣志

卷之一

金星石 在縣東五十里大安里有石如室中有二點
光若金色燦煌如星懸岩峭壁無徑可登

胡椅石 在縣南二十里長豐里三灣中儼
然仙座懸危江干與紗帽石相對

萍川水 在縣南三十餘步源發楊岐山東流轉西四
十里到縣又九十里到醴陵出淶口過潭州

入洞庭蔣之奇詩
倒流楊岐水即此

西青水 在縣西三百餘步源出青山鎮東
流至金鰲州與楊岐水合入萍川

泉江水 在縣東三十里名教里江心泉湧出故名
生絲花可食泉入江合流傍有寺

羅霄水 在縣東南四十五里大安里源出羅霄洞下
分兩派東流者合蘆溪水至宜春西流者出

本縣合湘東江入醴陵境內
名景羅霄波其一也

蘆溪水 在縣東五十里名教里聖岡側源在
水流一壩入宜春之秀

蛟水 在縣北五十里宣化聖廟前洋川水之源

金鰲洲 在縣西洋實橋下其長百餘步狀如遡水之

魚以其形長而大改名金鰲又蟠蛇禹門西關水

口知世勤建占鰲閣其一

新江 在縣東三十里唐咸通中郡守顏遐福奏開以

老相傳開江時誤殺白龜功遂不就

市潭 在縣西一百五十步洋實橋下

河潭 在縣東一百五十步深不可測

敷潭 在縣北七十里之秋江盤旋若渦深莫測有龍居之早禱雲起即應傍有惠澤龍王廟

萍鄉縣志 卷之一

韓澣潭 在縣北十里清教里溪二丈

蕭仙潭 在縣西八十里金源里滙五溪之水岸有巨石平坦下有泉世傳蕭史休息於此

王母潭 在縣西八十里唐昌里世傳王母過此

青龍潭 在縣東一百二十里新安里深莫測世傳龍居其中早禱輒應

青潭 在縣西八十里永平里四面峭壁環列水氣凜冽深不可測

龍潭 在縣西永平里上村數百頃

高山井 在縣南山頂廟右

羅霄井 語具羅霄山下有浴池丹池即葛仙翁修煉之所境內名景葛井浴丹居一

義井 凡四一在縣治東進賢坊一在縣治西仁和坊一在縣治左皇華坊一在縣治右宣化坊

龍池泉 在縣北同唐自竹旋澗寒浸莫測

雨湧泉 在縣北宣化楊岐山相傳與海相通
天欲雨水先湧宋周兌詩詒具藝文

南源泉 詒具南
浴丹泉 詒具羅
源山

卓劍泉 貴迎祥觀舊傳
許旌陽卓劍于此

錫杖泉 在縣治東劉家井世
傳彌勒佛卓錫而成

觀音泉 在寶積寺深不
滿尺暑月尤冷

泉田泉 在縣南名教里周廣一丈深入尺湧出田心
傍有泉江堰地名泉村山谷詩所謂綠花出

泉村也

劍泉 在縣南長豐里濶三尺世傳潘羅傳
三神將軍揮劍取泉飲之故名

萍鄉縣志

卷之一

十一

聰明泉 在縣西一百步溪傍其泉其香宋
葉景武讀書于此後登科第故名

聖岡泉 在縣東蘆溪道
傍上有其卓廟

楓泉 在縣東二里許道傍冬不凝夏不涸極冷舊傳
嘗汲注銅壺以定更漏傍有楓樹故名

寒泉 在縣東清江里道傍盛夏極清冷往
來人多飲之宋尉潘友文作寒泉亭

橫龍泉 在縣西門外三里許橫霄冲泉出地中透佛
座前至壻下清冽可愛金魚游泳人多題咏

詩具藝文境內各景
橫龍其一也

鳳凰池 在縣治南百餘步武公館之前宋宣和間知
縣鄭強因民多瞽乃相縣後地形勢如飛鳳

展翼又鑿二池以象二目而民遂無盲疾元至大
二年有瑞蓮生于池中夏鎮撰記詒具藝文年久

汚塞傍地多為民侵占架屋明萬曆中強裔孫鄭
序典守郡與署縣同知陶之肖協議清復侵地重

新疏濬刻立鳳凰池碑七年知縣常自新會民
蓮于池浸翠交映四圍築以木欄使民不得汚
境內名景鳳沼光風居一今欄壞民玩景非其所
矣見者惜之

國朝知縣刁之齋余士聽曾
加疏濬亦未能復舊焉

梳洗池 東蘆溪鎮南玉女臺布
舊傳玉女修真時梳洗於此

形勝

按古志北祖楊岐之脉鳳翼飛翔南賓搶嶺之朝筆
峯卓立左肩羅嶽連武功而壯東藩右臂徐仙接
排衙而列四屏川澄玉鑑紆迴掩映天光洲壅金
鰲樞握網維地紀其名景十曰楚臺霽月鳳池光
萍鄉縣志

卷之一

十二

風岐流帶水萍實虹橋禹門鰲極筆塔文標明峯
四眺霄洞雙波橫龍漱液古井浴丹
風俗

隋地理志火耕水耨食魚與稻以漁獵為業雖無蓄
積亦少饑餒信巫鬼好淫祀君子善居室小人勤
稼穡齊民通典風土爽塏山川特秀家給人足
多尚黃老清淨之教重於隱遁有徐孺子風韓愈
表賦稅及時閭里無事宋黃庭堅賦士大夫秀而
文細民險而健羅秀亭山高水清好尚儒雅有豪

傑之士院閱記士力學知廉耻民樂耕好儉嗇與地志事簡民醇袁采廳壁記士知廉耻不撓邑政民務農桑輸賦以昔矜健訟拒官府者數人而已卓津是名記壤沃而闢民夥而富江淮縣治記比閭有職帑庾有輸商無隱貨酷無私釀弄法者屏奸健訟者竄跡朱文仲社倉跋風俗近古江淮縣志嚚者善訟以誣官長為奇能悍者恃公以拒賦稅為得計至于今時刁梗之風雖戢非僻之心猶存富歲多賴不欲止竊或者蒸蒸向化與

物產

穀類

鬚粘

團粘

六種一名旱禾

安福粘

團谷粘

百日粘

紅米粘

白穀粘

贛州早

救公早

務原早

大米禾

太紅禾

百日糯

重陽糯

北京糯

紅鬚糯

粽子糯

黃絲糯

烏鴉糯

大粟

鬚粟

膏梁粟

芝蔴

白果黃

黃豆

飯豆

絳豆

紅豆

黑豆

青豆

綠豆

圓豆

碗豆

刀豆

大麥

小麥

蕎麥

穀麥

蔬類 蔥二種 韭 薤 蒜 薑 薯 芋 笋 菌

蕓 芹 焯 蘿 筍 莧 粟 油菜 芥菜 苻

白菜 甜菜 苦菜 芫 荽 苘 蒿 蒼 蓬 茄

菠 蘿 萹 苳 苦 苳 石 髮 櫻 魯 絲 瓜

冬瓜 王瓜 苣 瓜 甜 瓜 葫 蘆 牛 角 瓠

合子瓜

藥類 芣 苢 黃 蘗 白 蘗 芍 藥 紅 花 茵 陳

木 通 黃 蘗 青 皮 白 朮 香 薷 茱 萸

陳 皮 南 星 牽 牛 瓜 蔓 石 楠 荆 芥

兜 苓 茯 苓 半 夏 厚 朴 薄 荷 烏 蘗

玄 參 乾 葛 貫 眾 紫 鮮 蒼 耳 枸 杞

川 芎 黃 連 鬼 臼 三 棱 何 首 烏 草 藤 子

山 梔 子 小 茴 香 青 牙 香 石 昌 蒲 天 花 粉

草 決 明 土 牛 膝 夏 枯 草 白 楊 皮 劉 寄 奴

天 門 冬 麥 門 冬 旋 覆 花 甘 菊 花

野 天 麻 即俗呼益母草 香 附 子 即莎草根 仙 靈 脾 俗呼山南參

花 類 牡 丹 芍 藥 薔 薇 萱 草 桂 花 葵 花

紫 薇 花 山 茶 芙 蓉 玉 簪 木 槿 菊 花

蓮花 榴花 躑躅 山礬 鷄冠 千葉
金鳳 凌霄 海棠 石竹 木蓮 玉香球

剪羅紅 秋牡丹 紅蛺蝶

果類 桃李梅 棗梨橙 橘櫻榛 棹

柿 楊梅 杏梅 大栗 石榴 枇杷 白菓

蔬 木瓜 西瓜 蓮蓬 菱角 鷄頭

木類 松栢 樟桑楮 柘株桑 梧子可食

檉槐 檉棗 梓椿檜 杞柳 桐子可食 櫻棟

檀杞 檉樹 柞楓 杉 烏柏子可食 白楊

齊鄉縣志 卷之一 十五

白荆 水楊柳 香柞 冬青 猫竹 斑竹

笙竹 淡竹 苦竹 天竹 水竹 紫竹

篁竹 方竹 烟竹 白竹 實竹

草類 芟可食 蓼芟 蒿蘆 芋 蒲 藍有大

扁草 燈心草 龍鬚草三草俱可織蓆 楓簾

禽類 鴉 鵲 鸚 鴟 鴿 燕 鴈 鷗 鳩 鷓

鴉 鵲 鸚 鴟 鴿 燕 鴈 鷗 鳩 鷓

布穀 鵲 鸚 鴟 鴿 燕 鴈 鷗 鳩 鷓

啄木 相思 鶴鶉 畫眉 鸚鵡 麻雀 鶴

白頭 翡翠 練雀 竹鷄 山鷓 白鷓 鳥

錦鷄 春鋤 伯勞 灰鶴 蠟黃

獸類 牛 猪 狗 猫 羊 馬 驢 騾 虎

豹 鹿 麝 兔 猴 熊 猿 獺

狐狸 獾 猪獾 野猪 山羊 玉面狸

鱗類 鯉 紅 鯽 鮎 鰻 魷 鰻 鱧 鱖 鱣

鯉 白魚 刁魚 春子魚 黃姑魚

介類 龜 鼈 螺 蛤 蚌 蛭 土龜 穿山甲

蟲類 蠶 蛇 數 蟬 蟻 蜂 蜜蜂 蝦 蟆 蝴蝶

萍鄉縣志 卷之一 計六

蜘蛛 蜈蚣 蜻 蜓 蚱 蟻 蝗 螂 蛟 蠅 虎

蟋蟀 螻 蛄 蚯 蚓 蟬 蛸 蝙蝠

貨類 絲 絹 紬 綾 襪 蠟 黃 茶 紙 火 竹

鐵 漆 苧 布 葛 布 棉 布 蜂 糖 白 土

靛 青 土 硃 可煨 桐 油 茶 油 石 灰 杞 香

化 香 乳 香 石 生 薑 燈 草 草 蓆

城池

設險守國初城必書蓋重之也萍為縣歷年久而更變多矣所稱城郭溝池者茂如豈宋元以前載

籍或佚與明正德迄於今乃底績事固有待也

按故乘縣舊無城正德七年群寇數起知縣胡佩奉

檄始築土城十二年知縣高桂修嘉靖三十七年

知縣楊自治重修四十二年知縣蔣皆謨架木其

上覆以瓦萬曆三年知府鄭惇典建議重修又發

河潭坊城百丈檄知縣黃臺督之舊土城惟週西

北其東南民居環匝濱河未城府志云土城週圍一千三百七丈五

尺大實十一年巡撫都御史王宗載奉旨建磚城

檄本府同知陶之肖委知縣沈校董其役功未

萍鄉縣志

卷之一

成而所成者隨圮十二年都御史馬文煒檄同知

陶之肖署縣事親督之遂培石基拓馬道週圍九

百一十八丈五尺高一丈五尺濶九尺關四門東

曰來陽南曰達秀西曰連湘北曰通楚又有小西

門以便民往來東南加關三小門以便汲道儒學

前復甬馬門以挹風氣建木欄其上十三年知縣

姚一理慮城基凌水易齧又沿江增築護城石隄

延袤一百餘丈高五尺濶如之城得輔趾民便通

行重圍疊壁壑河為池迥異昔規矣按古志云本

縣鳳形大西門之開如鳳之破翼若塞大西門而
以小西門風氣更爲完備然萍自明季以來兵火
頻仍丁丑臨藍入寇癸未張左交踈既經賊燬又
被兵燹繼以乙酉鼎革時袁署郭天才楚黃朝宣
日闕殺于萍境城郭坵墟加之丁亥奇荒疫癘白
骨填途青燐遍野履道荆棘田卒污萊其時士民
斃于兵斃于餓斃于病者十有八九所存一二遺
黎生活無計相繼逃亡幾無復烟火矣五年豫章
變出不虞一時吏民震蕩于是土寇披猖逆蜂

起殘萍復遭蹂躪明年大將軍張皇六師薊城雖
獲底定而萍西尤多哨聚出沒爲殃萍城蒲目蓬
蒿措足無地時知縣張賓不得已擇署于萍東之
新安里越庚寅三月因征糧復駐大安不幸卒爲
寇殺迨後知縣吳興祚不辭艱險慨然與民更始
于是日之荒蕪民之流亾始獲上聞萍糧原額未
汰米五萬六千七十石時成熟未汰米僅三千六
百六十石七鄉計一百二十二里時僅編四十餘
里且一里之中有僅存一遞者一遞之中有僅存

一人者乃設法招徠漸次開墾始披荆棘駐縣治捐資修葺城垣勅建公署荒區煥然一新知縣才之喬接踵憂勤一二年間生聚益盛稅畝報增知縣臺瞻斗招墾修飭城堦煥然改觀署縣陳常繼之勤教養絕科派宣風被災捐資而構市肆軍輜銀鞘僱船以恤民勞歸筠之日士民立去思亭作十異歌以頌之常亦賦宣風行以志別歲次戊申知縣孟宗舜來蒞是邑課士勸農拮据孔瘁至甲寅冬棚孽引楚逆入寇城將陷舜自分損軀殉難有謂孤城難保獨死無益約去其保郡城逆遂于縣治後築壘蜂屯盤踞二載以致蒲城蔓草闔境荒烟丙辰王師蕩平孟侯又爲民請命幸而兵不血刃民獲更生萍於是再覩天日矣知縣張星軺陳野修相繼蒞治俱卒于官上委本府督軍總捕廳楊字理縣事署未五月政蹟多端毆棚黨革幫解一時風清弊絕共仰福星還郡日閤邑樹有遺愛碑附刻誦歌于其上